



# ԲՈՎԱՆԴԱԿՈՒԹՅՈՒՆ

ԿԱՌԱՎԱՐՈՒԹՅԱՆ ՈՐՈՇՈՒՄՆԵՐ  
ՀԱՅԿԱԿԱՆ ԽԱՉՔԱՐ

**TK&PARTNERS**  
WEEKLY CLIENT ALERTS

**#YourSupportTeam**



Corporate  
Governance  
Center



IFLR1000

**Chambers**  
AND PARTNERS




# ԿԱՌԱՎԱՐՈՒԹՅԱՆ ՈՐՈՇՈՒՄՆԵՐ

## ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵՉՈՔԱՑՄԱՆ ՆՊԱՏԱԿՈՎ ԻՐԱԿԱՆԱՑՎՈՑ ՄԻՋՈՑԱՌՈՒՄՆԵՐԻ ՏԱՄՆՅՈԹԵՐՈՐԴ ՓԱԹԵԹ

ՀՀ կառավարությունը կորոնավիրուսի տարածման հետևանքով բարձր տեխնոլոգիաների ոլորտի առանձին տնտեսավարողների մոտ առաջացած դժվարությունները մեղմացման նպատակով աջակցություն է տրամադրում ՀՀ ՏՏ ոլորտի ներկայացուցիչներին, որոնք հայտը ներկայացնելու օրվա դրությամբ վերջին 12 ամիսների ընթացքում չունեն հարկային և վարկային ժամկետանց պարտավորություններ և հայտը ներկայացնելու օրվա դրությամբ վերջին 12 ամսվա ընթացքում դրամաշնորհ չեն ստացել Բարձր տեխնոլոգիական արդյունաբերության նախարարության կողմից: Աջակցությունը տրամադրվում է դրամաշնորհի ձևով մրցույթի արդյունքներով հաղթող ճանաչված տնտեսավարողներին:

Ավելին՝ [հղումով](#):







**ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵՉՈՋԱՑՄԱՆ  
ՆՊԱՏԱԿՈՎ ԻՐԱԿԱՆԱՑՎՈՑ ՄԻՋՈՑԱՌՈՒՄՆԵՐԻ ՏԱՄՆՈՒԹԵՐՈՐԴ ՓԱԹԵԹ**

ՀՀ Կառավարության կողմից ընդունվել է կորոնավիրուսի տնտեսական հետևանքների չեզոքացման 18-րդ միջոցառման փաթեթը:

Միջոցառման նպատակն է Հայաստանի Հանրապետության առանձին տնտեսվարողներին օժանդակություն տրամադրելու միջոցով նպաստել արդյունավետ աշխատատեղերի պահպանությանը: Շահառու կարող են հանդիսանալ այն տնտեսվարողները, որոնք 2020 թվականի փետրվարի 1-ից մինչև 2020 թվականի ապրիլի 30-ը ընկած ժամանակահատվածում ունեցել են 2-100 վարձու աշխատող, պայմանով, որ նշված ժամանակահատվածում տնտեսվարողների կողմից հաշվարկված եկամուտների ֆոնդը չի նվազել, կամ նվազումը չի գերազանցել 5 տոկոսը: Օժանդակությունը տրամադրվելու է միանվագ դրամաշնորհի ձևով:

Ավելին՝ [հղումով](#)



**ՓՈՓՈԽՈՒԹՅՈՒՆՆԵՐ  
ԱԼԿՈՀՈԼԱՅԻՆ ԽՄԻՉՔՆԵՐԻ  
ԳՈՎԱԶԳԻՄԱՆ ԿԱՐԳՈՒՄ**

Առաջարկվում է արգելել տեղական արտադրության կոնյակի գովազդը զանգվածային տեղեկատվության էլեկտրոնային միջոցներով ժամը՝ 06:00-ից մինչև 22:30-ը, ինչպես ցանկացած այլ թունդ ակոհոլային խմիչքների գովազդի դեպքում է:

Օրենսդրական փոփոխությունը ընդունվել է ՀՀ Կառավարության կողմից և ներկայացվել է ՀՀ Ազգային ժողով՝ քննարկման :

Ավելին՝ [հղումով](#):





# Հայկական խաչքար

Հայոց գրեթե բոլոր հոգևոր կառույցները զարդարված են խաչքարերով: Բազմաթիվ եկեղեցիների պատերին կարելի է տեսնել փորագրված խաչի պատկերներ, որոնք իրենց հատուկ նշանակությունն ունեն: Հայոց աշխարհում խաչքարեր կան գրեթե ամեն անկյունում: Խաչքարերը երբեք չեն կրկնվում: Խաչքարի գլխավոր նպատակն է կապ ստեղծել Աստծո հետ:



**Խաչքարերի առաջացումը:** Խաչը, որպես խորհրդանիշ, մեզանում առաջացել է դեռևս 4-րդ դարից սկսած: 4-7-րդ դարերում դրանք ունեցել են շատ պարզունակ պատկերներ: 7-րդ դարից հետո ի հայտ են գալիս թևավոր խաչքարերը, որոնցից շատ քչերն են այսօր պահպանվել: 8-րդ դարից հետո սկսում են հայտնվել արդեն ուղղանկյուն կանգուն խաչքարերի տեսակները: Իսկ արդեն 11-րդ դարից հետո ձևավորվում է, որպես ներկայիս հայտնի խաչքար հասկացությունը՝ իր մեջ կրելով բոլոր երկրաչափական և բուսական տարրերը: Հետագայում արդեն այն իր մեջ սկսում է կրել նաև պատկերային քանդակներ՝ ինչպիսիք են ,օրինակ՝ սրբերի պատկերները:

Խաչքարերի առաջացման վարկածներից մեկն էլ կապված է այն փաստի հետ, որ ժողովուրդը ցանկացել է քրիստոնեության մասին ավելի շատ լուռ վկայություններ ունենալ: Իսկ խաչերի տեղադրումը հանդիսացել է, որպես քրիստոնեության տարածման բավականին ազդեցիկ միջոց:

**Խաչքարերի պատկերագրությունը:** Խաչքարերն ուղղանկյուն կոթողներ են, որոնք տեղադրվում են եկեղեցիների բակերում՝ ի հիշատակություն քրիստոնեության ընդունման, ազգային տոների կամ նահատակների:

Խաչքարի հիմնական հումքը դեղնակարմրավուն տուֆն էր: Սկզբում փորագրվում էր խաչը, այնուհետև այն զարդարվում էր ազգային խորագրանիշ հանդիսացող խաղողի և նռան պատկերներով:

Խաչքարի ստորին հատվածում շատ հաճախ փորագրվում է նաև հավերժության նշանը, որը նույնպես հեզևոր խորհրդանիշներից մեկն է: Այն խաչի հետ միասին խորհրդանշում է կյանքի շարունակականությունն ու ազգային պատկերացումները հավատի մասին: Խաչքարի ամենայուրահատուկ հորինվածքի տարրն իր անվերջությունն է:

Խաչքարերի վրա գոյություն ունի 5 կարևոր և նվիրական կետ: Դրանցից չորսը համապատասխանում են խաչի թևերի ծայրերին, իսկ մեկը դրանց հատման կետն է: Հատման կետը միջնադարում կոչվել է նաև ակ, որը հանդիսացել է խաչի ամենակարևոր կետը: Կերևի կետը կոչվում է թագ, որը խորհրդանշում էր երկնքի արքայությունը: Ներքևի կետը խորհրդանշում էր դժոխքի կործանումը: Աջ կողմը կապված էր շնորհների բաշխման հետ, իսկ ձախ կողմի ծայրը՝ մեղքերի ներման:

Հայերը ժամանակի ընթացքում քանդակել և կանգնեցրել են մոտ 50 000 խաչքար, չնայած, որ այսօր դրանցից շատերը կանգուն կամ ամբողջական չեն: Թշնամիների հարձակումների, արհավիրքների և վայրագությունների հետևանքով դրանց մի մասը ոչնչացվել է, իսկ մնացյալ մասը շարունակում է մնալ վտանգված:

2010թ.-ին հայկական խաչքարի արվեստը, խորհուրդը և խաչքարագործությունը գրանցվել են ՅՈՒՆԵՍԿՕ-ի մարդկության ոչ նյութական ժառանգության ցանկում:

Աղբյուր